



BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-131/07
Sarajevo, 22.02.2007. godine

Z A P I S N I K
1. SJEDNICE DOMA NARODA PARLAMENTA FEDERACIJE BOSNE I
HERCEGOVINE, održane 22. februara 2007. godine

Sjednica je počela u 11.15.

Sjednici je predsjedavao Stjepan Krešić, predsjedavajući Doma naroda Parlamenta Federacije BiH.

Predsjedavajući je pozdravio delegate, aktuelnog potpredsjednika Federacije BiH Desnicu Radivojevića, premijera Vlade Federacije BiH Ahmeta Hadžipašića, zamjenika premijera Gavrila Grahovca, ministre i ostale predstavnike Vlade Federacije BiH, članove Centralne izborne komisije Bosne i Hercegovine, predstavnike Međunarodne zajednice i predstavnike akreditiranih medijskih kuća koji prate rad sjednice.

Odsustvo sa sjednice opravdao je Igor Rajner.

Na osnovu evidencije Stručne službe, predsjedavajući je konstatovao da sjednici prisustvuje 50 delegata, što čini većinu, te Dom naroda može raditi i punovažno odlučivati.

Predsjedavajući je obavijestio delegate da je Kolegij Doma naroda na sjednici održanoj dan ranije predložio da se u dnevni red uvrste sljedeće tačke:

- Prijedlog Odluke o prestanku mandata delegata kao 1. tačka,
- Verifikovanje mandata delegata kao 3. tačka,
- Prijedlog Odluke o izboru predsjednika, zamjenika predsjednika i članova radnih tijela Doma naroda Parlamenta Federacije BiH kao 5. tačka.

Na osnovu rezultata glasanja, predsjedavajući je konstatovao da su delegati, sa 49 glasova za i uz jedan uzdržani glas, prihvatili prijedlog.

Potom se prešlo na glasanje o dnevnom redu u cjelini.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 49 glasova za i uz jedan uzdržani glas, usvojio sljedeći:

DNEVNI RED

1. Prijedlog Odluke o prestanku mandata delegata;
2. Izbor predsjednika i potpredsjednika Federacije BiH;
3. Verifikovanje mandata delegata;
4. Izbor delegata u Dom naroda Parlamentarne skupštine Bosne i Hercegovine;
5. Prijedlog Odluke o izboru predsjednika, zamjenika predsjednika i članova radnih tijela Doma naroda Parlamenta Federacije BiH.

1. Prijedlog Odluke o prestanku mandata delegata

Privremena mandatno-imunitetska komisija pripremila je Prijedlog Odluke o prestanku mandata delegatu u Domu naroda Parlamenta Federacije BiH Abidu Šariću zbog nespojivosti funkcija jer je imenovan na funkciju ministra privrede u Vladi Kantona Sarajevo.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH jednoglasno, sa 50 glasova, donio Odluku o prestanku mandata delegatu **Abidu Šariću** u Domu naroda Parlamenta Federacije BiH.

2. Izbor predsjednika i potpredsjednika Federacije BiH

Predsjedavajući je podsjetio delegate da u skladu sa Amandmanom XLII (2) izbor predsjednika i dva potpredsjednika Federacije BiH zahtijeva prihvatanje zajedničke kandidatske liste tri kandidata za predsjednika i potpredsjednike Federacije BiH većinom glasova u Predstavničkom domu i većinom glasova u Domu naroda, uključujući većinu glasova u klubovima svakog konstitutivnog naroda.

Dom naroda je na prethodnoj sjednici formirao dvije zajedničke kandidatske liste i dostavio ih Predstavničkom domu Parlamenta Federacije BiH na daljnju proceduru.

Predstavnički dom je na 2. vanrednoj sjednici, održanoj 21.02.2007. godine, većinom glasova prihvatio Zajedničku kandidatsku listu na kojoj su predloženi:

- **Borjana Krišto** za predsjednicu Federacije BiH,
- **Mirsad Kebo** za potpredsjednika Federacije BiH,
- **Spomenka Mičić** za potpredsjednicu Federacije BiH.

Potom je predsjedavajući pozvao delegate da se izjasne o Zajedničkoj kandidatskoj listi.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 42 glasa za, uz osam glasova protiv i uz dva uzdržana glasa, prihvatio Zajedničku kandidatsku listu na kojoj su predloženi - **Borjana Krišto** za predsjednicu Federacije BiH a za potpredsjednike Federacije BiH **Mirsad Kebo** i **Spomenka Mičić**.

Zatim se prešlo na glasanje po klubovima naroda.

Predsjedavajući je pozvao Klub delegata bošnjačkog naroda da se izjasni o Zajedničkoj kandidatskoj listi.

Na osnovu rezultata glasanja, predsjedavajući je konstatovao da je Klub delegata bošnjačkog naroda, sa 15 glasova za i uz jedan glas protiv, prihvatio Zajedničku kandidatsku listu.

Predsjedavajući je potom pozvao Klub delegata hrvatskog naroda da se izjasni o Zajedničkoj kandidatskoj listi.

Na osnovu rezultata glasanja, predsjedavajući je konstatovao da je Klub delegata hrvatskog naroda, sa 15 glasova za i uz dva uzdržana glasa, prihvatio Zajedničku kandidatsku listu.

Nakon toga predsjedavajući je pozvao Klub delegata srpskog naroda da se izjasni o Zajedničkoj kandidatskoj listi.

Na osnovu rezultata glasanja, predsjedavajući je konstatovao da je Klub delegata srpskog naroda, sa osam glasova za i uz šest glasova protiv, prihvatio Zajedničku kandidatsku listu.

Predsjedavajući je konstatovao da je Dom naroda Parlamenta Federacije BiH prihvatio Zajedničku kandidatsku listu i time izabrao **Borjanu Krišto** iz reda hrvatskog naroda za predsjednicu Federacije BiH, **Mirsada Kebu** iz reda bošnjačkog naroda i **Spomenku Mičić** iz reda srpskog naroda za potpredsjednike Federacije BiH, te im čestitao na izboru i zaželio puno uspjeha u vršenju svojih dužnosti.

Potom su predsjednica i potpredsjednici Federacije BiH dali zakletvu.

Nakon toga predsjednici i potpredsjednicima Federacije BiH na izboru su čestitali: dosadašnji potpredsjednik Federacije BiH Desnica Radivojević, predsjednik Kluba delegata bošnjačkog naroda Jasenko Tufekčić, predsjednik Kluba delegata hrvatskog naroda Josip Perić, Miro Lazović, predsjednica Kluba delegata srpskog naroda Mira Ljubijankić i premijer Vlade Federacije BiH Ahmet Hadžipašić.

Nakon toga Domu se obratila i Borjana Krišto, predsjednica Federacije BiH zahvalivši na ukazanom povjerenju.

* * *

Zatim je predsjedavajući, na zahtjev Jasenka Tufekčića, predsjednika Kluba delegata bošnjačkog naroda, dao pauzu od 30 minuta kako bi se izvršilo verifikovanje mandata novog delegata od Centralne izborne komisije Bosne i Hercegovine i kako bi Klub mogao glasati u punom sastavu za liste za Dom naroda Parlamentarne skupštine Bosne i Hercegovine.

* * *

3. Verifikovanje mandata delegata

Centralna izborna komisija Bosne i Hercegovine obavijestila je Dom naroda Parlamenta Federacije BiH da je dodijelila mandat sljedećem kvalifikovanom kandidatu iz reda bošnjačkog naroda Mirsadu Pindžo.

Ispred Privremene mandatsko-imunitetske komisije govorio je Asim Mekić.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH jednoglasno usvojio Izvještaj Privremene mandatsko-imunitetske komisije i time verifikovao mandat delegatu Mirsadu Pindžo, koji je nakon toga dao zakletvu.

4. Izbor delegata u Dom naroda Parlamentarne skupštine Bosne i Hercegovine

Predsjedavajući je podsjetio delegate da se prema članu 4. stav 1. Ustava Bosne i Hercegovine Dom naroda Parlamentarne skupštine Bosne i Hercegovine sastoji od 15 delegata od kojih su dvije trećine iz Federacije BiH (uključujući pet Hrvata i pet Bošnjaka) i jedna trećina iz Republike Srpske (pet Srba).

U Domu naroda Parlamenta Federacije Bosne i Hercegovine, hrvatski delegati biraju hrvatske delegate, a bošnjački delegati biraju bošnjačke delegate iz Federacije Bosne i Hercegovine u Dom naroda Parlamentarne skupštine Bosne i Hercegovine.

Na osnovu člana 9.12.d Zakona o izmjenama i dopunama Izbornog zakona Bosne i Hercegovine («Službeni glasnik BiH», br. 24/06) glasanje se provodi tajno tako što svaki delegat iz bošnjačkog, odnosno hrvatskog kluba u Domu naroda Parlamenta Federacije BiH daje jedan glas za listu kandidata za izbor bošnjačkih, odnosno hrvatskih delegata u Dom naroda Parlamentarne skupštine Bosne i Hercegovine.

U skladu sa članom 14. Smjernica o načinu i postupku izbora delegata u Dom naroda Parlamentarne skupštine BiH izbore provodi nadležno radno tijelo Doma naroda Parlamenta Federacije BiH, tj. članovi Privremene komisije za izbor i imenovanja koju čine: **Drago Puzigaća, Miro Lazović, Sead Čaušević, Zaim Imamović Kaze, Željko Asić, Pero Jukić Pop i Muharem Serbezovski.**

Predsjedavajući je podsjetio delegate da se glasanje vrši upisivanjem znaka X u kvadratić pored naziva predlagača kandidacione liste.

Potom je data pauza kako bi se izvršile tehničke pripreme za izbor delegata u Dom naroda Parlamentarne skupštine Bosne i Hercegovine.

* * *

Nakon pauze obavljen je proces glasanja tako što su delegati glasali odvojeno po klubovima i ubacivali listiće u odvojene kutije.

Nakon provedenog postupka glasanja, predsjedavajući je pozvao predstavnika Privremene komisije za izbor i imenovanja da pročita zapisnik o glasanju.

Ispred Komisije govorio je Pero Jukić Pop i konstatovao da je obavljeno tajno glasanje čemu je pristupilo 17 delegata iz Kluba delegata bošnjačkog naroda i 17 delegata iz Kluba delegata hrvatskog naroda. Nevažećih glasačkih listića nije bilo.

Potom je pročitao rezultate glasanja.

Iz reda bošnjačkog naroda bilo je ukupno šest kandidatskih listi i to:

- (3) KANDIDATSKA LISTA DELEGATA – BESIM IMAMOVIĆ dobila je dva glasa,
- (5) KANDIDATSKA LISTA DELEGATA – ASIM MEKIĆ dobila je tri glasa,
- (8) KANDIDATSKA LISTA POLITIČKE STRANKE – SDPBiH dobila je tri glasa,
- (11) KANDIDATSKA LISTA DELEGATA – JASENKO TUFEKČIĆ dobila je tri glasa,
- (12) KANDIDATSKA LISTA DELEGATA – ALIJA BEGOVIĆ dobila je tri glasa,
- (13) KANDIDATSKA LISTA POLITIČKE STRANKE – SBiH dobila je tri glasa.

Iz reda hrvatskog naroda bilo je ukupno osam kandidatskih listi i to:

- (1) KANDIDATSKA LISTA POLITIČKE STRANKE – HDZ 1990 HZ dobila je tri glasa,
- (2) KANDIDATSKA LISTA DELEGATA – STJEPAN KREŠIĆ dobila je tri glasa,
- (4) KANDIDATSKA LISTA DELEGATA – ŽELJKO ASIĆ nije dobila nijedan glas,
- (6) KANDIDATSKA LISTA DELEGATA – ZORAN BUDIMIĆ dobila je dva glasa,
- (7) KANDIDATSKA LISTA DELEGATA – IVO IVA TADIĆ dobila je tri glasa,
- (8) KANDIDATSKA LISTA POLITIČKE STRANKE – SDPBiH dobila je jedan glas,
- (9) KANDIDATSKA LISTA DELEGATA – LIDIJA BRADARA dobila je dva glasa,
- (10) KANDIDATSKA LISTA DELEGATA – ANĐELKO MIKULIĆ dobila je tri glasa.

Pero Jukić Pop obavijestio je delegate da će se kompletan izborni materijal sa rezultatima glasanja dostaviti Centralnoj izbornoj komisiji Bosne i Hercegovine na potvrđivanje i konačnu raspodjelu mandata u skladu sa izbornim zakonom Bosne i Hercegovine.

O rezultatima izbora bošnjačkih, odnosno hrvatskih delegata u Dom naroda Parlamentarne skupštine BiH, Centralna izborna komisija će obavijestiti izabrane delegate i Dom naroda Parlamenta Federacije Bosne i Hercegovine.

Predsjedavajući je konstatovao da je Dom naroda primio na znanje izvještaj o glasanju.

5. Prijedlog Odluke o izboru predsjednika, zamjenika predsjednika i članova radnih tijela Doma naroda Parlamenta Federacije BiH

Prijedlog Odluke utvrdila je Privremena komisija za izbor i imenovanja.

Ispred Komisije govorio je Pero Jukić Pop i obavijestio delegate da je Komisija razmatrala prijedlog za izbor delegata u Administrativnu komisiju Doma naroda Parlamenta Federacije BiH. Upoznao je delegate da su klubovi delegata i delegati iz reda ostalih dostavili Komisiji prijedlog za izbor delegata u Administrativnu komisiju i da je Privremena komisija za izbor i imenovanja predložila Domu naroda da donese odluku o izboru predsjednika, zamjenika predsjednika i članova Administrativne komisije Doma naroda Parlamenta Federacije BiH, čiji sastav je pročitao.

U raspravi je učestvovao Jasenko Tufekčić, koji je dao primjedbu kako u nazivu Komisije treba pisati riječ "privremena".

Predsjedavajući je usvojio primjedbu i dao na glasanje Prijedlog Odluke o izboru predsjednika, zamjenika predsjednika i članova Privremene administrativne komisije.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH jednoglasno donio Odluku o izboru predsjednika, zamjenika predsjednika i članova Privremene administrativne komisije u sastavu:

Stjepan Krešić, predsjednik
Miro Lazović, zamjenik predsjednika

članovi:

- 1. Lidija Bradara**
- 2. Senad Kananović**
- 3. Slobodan Rodić**

4. Muharem Serbezovski
5. Dženana Zlatar.

Sjednica je završena u 15.25.

Magnetofonski snimak sjednice i prijepis snimka sjednice čine sastavni dio Zapisnika.

SEKRETAR

Izmir Hadživdić

PREDSJEDAVAJUĆI

Stjepan Krešić